

館陶縣志卷之十

人物志

孝義

節烈附

陶固人傑之區也兩河之閔英氣鬱勃所產皆豪
俊古稱多君子蓋其地焉唐宋迄明名流踵接紹
符綬登廟廊者多建不世之伐鄉閭中潛居砥行
代不乏人士以技勇見干城實武賴之余各為表
著其大者倘惟顯晦升沉是計得無執成敗論英
雄陋矣孝義節烈綱常攸關別為二則謹按籍採
錄以俟後之董狐志人物

館陶縣志

卷之十

人物

利

北魏

王榮世仕北魏以方城縣子為三城戍主梁師攻圍
急榮世力窮知不可全乃先焚府庫後殺妻妾既
而城破不屈被害詔進爵為伯贈齊州刺史祀學
宮

唐

李 丞有學識善屬文皇甫冉有題丞舊居詩
段道超干木裔孫世業儒門不務干進養志林臯遠
近傾慕州縣多咨訪焉

宋

張

瓊勇力善射太祖在周時攻壽春乘船入城濠城上弓弩遠發瓊亟以身蔽太祖矢中股死而復蘇鏃著髀骨堅不可拔瓊索酒滿飲破骨出鏃血流數升神色自若太祖壯之卽位擢典禁軍累官殿前都虞候遷嘉州防禦使時軍校史珪石漢卿以數言外事得幸瓊輕侮之二人因譖瓊養部曲擅威福太祖詔面訊不伏怒令擊之漢卿卽奮鐵搥亂下氣垂絕曳出遂下御史案鞫賜死太祖旋

館陶縣志

卷之十

人物

二

利

聞家無餘貲甚悔優其家祀學宮

王

沿字聖源少治春秋中天聖進士張知白薦其才遷監察御史天聖五年安撫關陝減諸縣秋稅十二三還爲開封府推官體量河朔饑民所至不埃詔發官廩濟之就除轉運副使被詔鞫曹汭獄於真定府遷殿中侍御史爲河北轉運使奏罷二牧監以地賦民導相衛邢趙水下天平景祐諸渠漑田數萬頃因詣闕奏事上所著春秋集傳十五卷改涇州觀察使元昊入寇葛懷敏進兵鎮成沿

遺書戒勿入背城爲寨伏擊之可有功懷敏不聽卒爲所敗賊乘勝犯渭州沿率州人乘城張旗幟爲疑兵賊遂引去徙知成德軍卒祀學宮

王鼎字鼎臣沿之子以進士第累遷太常博士數上書論時政得失知澧州王則以貝州反澧卒龐旦與其徒謀以元日殺軍相劫庫兵應之前一日有告者鼎夜出檄遺軍校攝事外邑而陰爲之備翌日會僚吏置酒自若徐捕首謀十八人送獄一郡帖然累遷司封員外郎淮南兩浙荆湖制置發館陶縣志

卷之十 人物

三

利

運副使前使者多魚帑南物持遺權貴鼎一無所帑獨悉意精吏事遷河北都轉運使鼎性廉不欺嘗任其子族人欲增年圖速仕鼎不可父財悉推與其弟所薦士多知名有終身不識者與父并祀學宮

劉鈞果州團練使昆仲五十載不異居人高其義子潤夔州府尹以母渡江憂恐竟棄官歸孫澹孝行著聞曾孫淵淡之子仕安吉知州聲望皆著

元

郭 良元統閔爲嘉議大夫中書吏部尙書
秦 禎元統閔爲奉政大夫宜興州知州
霍爾赤字彥舉性行淳篤雅尙文墨嘗於松滋監闕
別墅以居里人傳之

劉 源鈞之後倜儻有智勇方弱冠時值貞祐丙子
之亂以鄉兵起義爲千夫長所向無敵署軍中總
領佩銀符尋以破彭義斌功陞臨清丞未半載德
化流布政令肅清陞宣武將軍臨清縣令騎都尉
安撫境內累封彭義縣開國男食邑三百戶光遠

館陶縣志

卷之十

人物

四

利

源之孫九歲屬文讀書過目不忘任廣信同知陞
知州罇光遠之子蘭陽知縣政令清簡答民不忍
正視因致仕歸弟鎬任中書習諸家隸篆猶善大
草縉紳多慕之又周給貧窮無虛日

張 彌字公輔資性樂愷洞達時變貞祐初河朔潰
亂土盜羣起彌召豪傑團兵自衛盜不敢犯遠近
得依推彌爲館陶冠氏兩縣都提控以功進開國
侯食邑一千戶諸子克世其業詳載墓志

明

郎 俛字抑之洪武闕補縣諸生儀表魁岸行誼高
潔雅爲里人推慕許兒莊等三社頑梗不馴有司
莫能治俛至反覆曉譬相率慙伏委攝縣事條平
徭役凡三閱月四境稱理由歲貢登太學授工部
虞衡司主事遷雲南府知府所至著有聲績人多
推服祀學宮

朱 儼洪武中由人才舉任鎮江府同知陞岳州府
知府

孫文義原名文進登洪武辛未進士拜監察御史監
館陶縣志

卷之十 人物 五 利

造榆林版籍著有勞績御筆改名文義尋爲權奸
傾擠卒於官祀學宮

杜 驥由貢任交趾三江府同知安撫招討有功陞
河南布政司叅議

陳 甫永樂闕登進士任監察御史激揚無私擢陝
西按察司僉事蒞政嚴明百司惴惴奉法累官大
理寺少卿士林重之祀學宮

李 敬字克恭由貢入太學初授考城令居官廉明
吏民畏服善招撫流亡嘗修學掘地得錢數萬緡

因爲土木資不勞民而工成尋卒合境哀號提學陳公選表之建企德堂設主於內歲時致祭

劉衡字公銓正統閔經魁初任衡水知縣歷安邑崑山陞國子監助教雅愛勤懇士多慕之擢河南提學僉事祀學宮

郭良字克忠景泰閔進士授朝邑知縣鋤梗噓弱吏民悅服累官光祿寺少卿居家內行淳備鄉黨無閔言

武肅字子敬歲貢成化初授肥鄉縣丞廉幹有爲館陶縣志

卷之十

人物

六

利

太守秦公雅器之署威縣篆政聲益著督郡府柴夫獲羨金悉輸之官以貸貧民陞鹽城令以子雷秩贈奉政大夫祀學宮

馬懋字德昭成化戊戌進士由行人遷刑部郎中累官福建左布政使所在茂著風猷尋疏致仕祀學宮

耿明字晦之登弘治丙辰進士授貴州道監察御史輦下論列無所避忌巡按雲南周行箚棘閔以還徼有司多不檢露章劾奏數十人嘗讞囚有民

家子爲妖巫魘死復甦事發巫論死有司以謀殺未果矜之明曰此輩妖術所殺不知幾何人幸發之不當宥亟命戮于市遠近稱快正德間逆瑾用事出知湖州府賑貧救災摧暴扶良以治行最超擢江西左叅政督餉佐兵剪除群盜功成不受賞以疾乞休甫抵里三月寧濠以反聞人服其明哲

祀學宮

王 璽由明經司文安縣鐸持身高潔取予不苟其門人王沛工部員外奉差清淵高其行檢贈遺甚厚璽堅卻不受士論益重之

館陶縣志

卷之十

人物

七

利

張 時廩貢性端方博問學隱居不仕樂志田園泊如也壽百歲而終闔邑稱爲人瑞

王 玠明嘉靖闕起自行伍初授臨清鎮撫陞守備守大同密雲等處有功授楊州備倭叅將玠雅知大義以襄愍公撫其里有惠政而死非其罪至則拜公之堂伏地涕泣薦紳義之時倭自瓜步來突逼揚州城下玠恐其西逸乃設伏灣頭鐵盤廠自引壯士誘賊且戰且走至伏處騎兵起衝之遂大

勝多所斬獲以病卒時稱爲名將

姚 鏞字振華登萬 己丑進士仕至遼東寧前兵備副使爲人篤厚平易宦遊所入分給宗族親戚胞弟任其所取不問買田舍皆多其值人甚德之祀學宮

耿如桂字友蜎明之曾孫少有雋才未成童舉秀才弱冠受廩餼持品端潔有父遺產盡讓諸弟十八鄉闈不中式遂罷不復試天啟初以歲薦廷對歸隱不仕終翁如杞銘其墓子爾棕用光俱嫻文學

館陶縣志

卷之十

人物

八

利

孫道見尤能讀書世其家

耿如杞字楚材明之曾孫鄉會科名千支與廷對次第相貌皆眎曾大父會大父劾逆瑾著節如杞氣槩亦如之由進士授戶部主事釐剔倉弊有聲時疆場多事有請纓志調職方卽絕賄賂謝竿牘觸要人之忌遷神木叅議條議邊方利弊務責實效遷遵化道副使敘功加叅政時魏璫擅權中外建生祠中丞劉詔屬如杞呈詳力執不附中使陶文分鎮喜峰懸魏璫像于中堂撫鎮皆羅拜不敢揖

如杞持不可中軍劉鳳翔爲痛陳不拜取禍狀如
杞厲聲曰彼力能死我耳吾頭可斷吾膝必不可
屈且吾祖以劾逆瑾得罪此膝一屈吾何面目復
入先人墳墓乎長揖不拜使者馳報魏璫臚傳提
塘官趣中丞立劾疏入遂遣緹騎逮治下鎮撫司
嚴旨考訊命司寇擬大辟思宗卽位嘉如杞爲強
項吏出園扉擢太僕寺卿晉都察院右副都御史
巡撫山西擊奸鋤貪修邊簡卒人不敢以私牘請
總兵張鴻功兵諱乃鎮兵非撫兵也中貴因而齟

齟齬語相亂遂爲鴻功所累天下惜之後奉旨復
原職加左都御史如杞文似蘇長公奏議似陸宜
公詩宗李杜所著有與爭錄墨楮延校議晉疏諸
書

姚運熙字孟襄鉉之長子崇禎中歲貢甘肅巡撫湯
道衡以人材薦於朝授南陽知縣時流寇千餘人
乘雨侵城運熙挺身捍禦手刃賊兵數人身被重
創猶奮臂疾呼士卒血戰城賴以全有手書血衣
十三字記其事海內聞而壯之上聞嘉其忠烈贈

河南按察司僉事廕一子入監讀書

冀往聖字印尼品行端潔有巖巖氣象精舉業未獲
大售由歲薦除商丘令蒞政嚴明百務俱新慈惠
洽人去任一年士民戴德建碑以志不忘既歸閉
門課子詔早年入庠闔邑推爲仁厚長者有司每
式廬焉年七十餘卒

續人物

耿章光字闇生仕曲沃令調香河陞安州牧所至有
聲譽陞兵部武庫司員外郎累遷尙寶寺卿以父

館陶縣志

卷之十

續人物

十

利

如杞勤王被讒死爲刺血明心一疏代父鳴冤得
追復原官甲申流寓江南聞京城失守殉難於金
陵妻姚氏妾朱氏皆投井死祀學宮

耿願魯字又樸如杞嫡孫生而穎異襁褓中能識字
六歲喪母痛哭感動路人丙午舉於鄉庚戌成進
士歷官編脩分校禮闈識拔韓公莖等十一人皆
詞林冠冕詩文重於時家居創文社遊其門者率
多巍科著有韋齋集七卷廡學宮

高重光字煥宸性聰穎淹貫群書治舉子業刻意揣

摹康熙丙午舉於鄉癸丑成進士考授內閣中書
生平恬靜絕俗尙陶靖節風不樂仕進家居奉親
承歡順志陶陶然自適爾丁內外艱以哀毀卒

王克遜字爾碩幼失怙事孀母以孝聞閉門潛脩非
聖賢書不讀從遊多名彥談經課藝門以外不問
也為邑諸生時巡按山東御史劉允謙曾詣其廬
額之曰行孚月旦知縣程起運亦以人倫斧藻四
字旌其門迨以明經貢於廷時值需才孔亟爾碩
隱遯不仕號無為子舉鄉飲大賓邑人至今頌其

館陶縣志 卷之十 續人物 十一 利

德

鄒 魯字尊魯少家貧躬自負薪手不釋卷舉康熙
丙午鄉試邃性命之理接引後學講論弗輟為人
踔厲風發談詞如雲遇邑有利弊指事直陳邑人
賴之

卜云嘉字錫祉性孝友早年食餼生母死以降服限
於制飲血三年不見齒丙午鄉試文為主司亟賞
偶以塗字見遺領歲薦終閉戶潛脩從遊日衆教
胞弟子京入庠人稱一時瑜亮子續孔繩孔俱邑

廩生孫曰端亦廩生

秦奇英字踰干廩生少孤依母氏以有成晨夕饗殮必奉侍左右不敢暫離讀書日有功程工文辭一本先正耻奔競之行當事矜式生平寡言笑少交遊與耿公望卜錫祉友善戊午鄉試數奇不售年未強仕竟卒

李 景字青來舉人李茂實子家世淵源積德好義景年甫舞勺蚤失怙恃每歲時伏臘爲孺子泣者終其身如一日更誼篤同氣愛諸猶子情倍摯讀館陶縣志

卷之十 續人物 三 利

書樂道不逐時趨以明經領歲薦舉鄉飲不赴品行實堪矜式

王又曾字沂生幼而食餼名著諸生教授生徒多所成立至於大節尤爲人所不及不愧明經

袁奇珍字連城謀事有膽畧居心無阿比其辭侃侃其色雍雍都人士咸愛而敬之

劉中正字敬公邑廩生爲人忠厚言動不苟事繼母以孝聞少從學於秦奇英英死子幼教之成立時人義之鄉鄰死而貧者爲具棺殯葬有鬻其子者

慨然代爲贖之生平讀書守道恥事干謁年四十
九卒

孫如奭字彌士敬謹飭躬寬和接物急遽之時亦必
莊恭家庭之內儼若朝廷接其丰範如在春風和
氣中也

高文璘字元質號北邨生有異稟數齡善問難舞象
臨右軍書法酷肖能文章邑太史耿公縣尹鄭公
器重之十七補博士弟子員十九食餼肆力經史
性理講說一遵程朱天性至孝以歲科試有違色

館陶縣志

卷之十

續人物

三

利

養遂入成均舉動方嚴朋友有過輒正色相規謀
事如印泥畫沙好引進後學多所成就尤留心經
濟實學可以坐言起行數入棘園賚志以歿士大
夫至今惜之

字聖功孝友無間勗志不輟文藝本先正行
誼則古昔邑侯陳公恒以科第期之屢入棘園數
奇不遇賚志以歿邑侯聞之悼痛輓之曰文行兼
優

李

涵字碧涵號西山天性純篤賦質剛毅義所不

可堅如金石雖賁育不能奪幼孤援例成均非志也攻苦無間時壽不永人咸悲之子姪多所成立皆公所教號稱望族

王 正字幹臣廩生事親就養無方出告反面父病曾拜表於天以身代弟王桐王樞親課入泮樞早亾妻武氏年二十歲守節不嫁皆正家教所感教弟子以嚴爲道成就多人嘗置田數畝以爲濟貧施藥之資所著有敬日月慎言文數十則

李 湘字秋蒲爲人謙慎坦夷教子忠厚和平先儒館陶縣志

卷之十

續人物

十四

利

有云人有不及當以情恕非意相干當以理遣公庶幾焉

陳心正字肇脩豪爽異常處事多中鄉鄙爭競公一二語兩情悉平闔邑咸服其公正

郭鳳山字來儀廩生賦性孝慈秉質純朴學行兼脩著美鄉里

高錫祿字君寵庠生端方自矢和平接物設教學宮學規以嚴爲主考業以勤爲先遊其門者多知名之士

冀諾字干子性孝友居家嚴整有法品行端方事事不苟襟懷磊落更有卓識戚里有所疑難一經指畫殊目了然有所緩急巨細必應貧乏孤幼賴以婚娶成立者甚多

卜子京字衿祉號函西邑庠增生天性孝友生有氣骨撫養姑子頻歷飢饉無憾焉代償叔欠出資變產怡如也學宗西河家傳淵源子若孫胥噪名賢宮是其明驗

孝義

元

劉 溪鈞之子篤孝行除官不仕母有沉疾溪默禱于天割左股而羹之以饋其母病果愈

明

劉 鑑歲貢生出郭散行偶憩楊樹下得遺物一帕待之良久其人泣至鑑卽還付之人服其義官至福州知府

王 寶父沒廬墓三年詳見歲貢

館陶縣志

卷之十

孝義

十六

利

文 起文與同胞兄弟也以孝友著里閭明初起爲里長以收稅獲罪坐大辟弟興向兄泣告曰兄子多人無父何怙弟無子罪可代也詣長吏白兄寃長吏遂以起罪罪之後遇赦回鄉里呼之爲癡其妻之父曰吾倩癡後必昌復以次女爲二至今子姓蕃衍書香不絕皆興裔人以其孝義之報云

王 貞字文舉篤孝友好施予歲凶出粟百石賑濟勅旌其門

劉 溪本縣人好義施財鄉評推重值歲凶出粟四

百石賑濟勅旌其門

孫 良文義之孫爲人剛直有祖風鄉里畏慕士夫
推重嘗薦修學宮督率有方工成縣令延致鄉飲
汪 沂質直好義族子孫有貧乏者咸周恤之以壽
官與鄉飲

王宗仁字本元省祭家素封而好義置義塾義田義
渡義塚時稱王氏四義山東按察司副使趙公移
文旌獎題其扁曰陶山世義吏科給事中間閱爲
之記以傳之

館陶縣志

卷之十

孝義

十七

利

汪應詔邑庠生朴素孝友治家嚴而有法三尺之童
不入中門與弟應科同居終身無閤言弟乏嗣命
中子繼之教諸子以勤儉和睦三世仝居享年八
十有八

鄒大賢性仁厚至孝父母享年俱八十有餘及卜葬
盡典資郭田三百畝以襄大事或請少畱爲子孫
計大賢曰父母所遺用之父母不爲子孫畱也昔
人嘗有典身葬親者况地乎值歲薦饑大賢爲視
賑濟粥廠事捐助薪水日夕調給邑民賴以全活

本縣歷旌以扁其孫鄒魯後登丙午賢科人咸謂仁孝所感云

文國泰字熙宇居陶之大羅堡性孝友七歲失怙哀毀如成人長事祖父母如其父母養生送死情文備至叔祖宗高無子而鰥泰養之三十年無倦容既卒泰竭力葬之邑令魏侯旌其門延與鄉飲子運隆敦厚有父風明季以超貢除別駕高尙不仕教子蔚讀書遊類非公事不見邑宰一時後進咸矜式焉

館陶縣志

卷之十 孝義

六

利

高思孝生而魁梧性樸直好善爲監兌戶曹椽嘗奉使督役自大名至秦省途中痛念夫役寒襁堅却常例不受更出囊金沽酒脯犒之人頌其德當官嘉其賢贈之百金還家孝季子選登上壽孫重光成進士遂爲顯族

國朝

成光顯成家莊人值時多事冠氏人楊雨密以金一囊寄顯室去中途遇害經年顯方聞之亟求雨兄還其金康熙十一年雨子成立詣顯謝人始知之

邑令鄭君聞而嘆曰善人也是有隱德匾以旌之
閻子行張官寨人教家以和子姓蕃衍四世同居無
游惰者次子景隆妻嚴氏尤嫺睦以孝聞康熙十
二年三月繼母戴氏病危嚴氏年十九割左肱以
食姑病旋愈邑令鄭君給匾旌之

毀體奉親

國典不獎謂其不可爲訓也富人出粟賑濟任俠者
多爲之均非其正第近世之人率數倫紀矜鄙薄
所謂三代而下士惟恐不好名得若而人足以風

館陶縣志

卷之十

孝義

十九

利

矣姑錄以示勸

續孝義

李茂實字生洲由洪洞徙居館陶明崇正庚午科舉
人事親能色養親歿哀毀骨立同懷兄鰥爲營室
繼嗣逆闖授以僞官堅拒之匿迹澗南獲免流寇
殘破郡邑呈請當事多方安輯鄉里有負債者焚
券不責其直同年某守東郡訟者賈千金丐其關
說力却不許所著有澗南詩集祀學宮

李

晨字太古候選縣丞輕財重義篤愛同氣緩急

相需無不供給邑令郎國楨匾其廬曰熙朝譽髦
徐爾昌字北溪質直朴實勤儉自矢家計日豐不移
所守以子貴贈儒林郎

劉秉印字端吾老年乏嗣好佛性執他事無所短長
惟聞馮令臨清望誤慨出千金亦可謂輕財好義
者

閔士楨字興宇生而穎異勇而善謀 國初流寇犯
城人舉爲入將官之首設法守禦城賴以全

劉計聰字振裔父命讀書尖塚寺晝夜不輟年十九
館陶縣志
卷之十
續孝義
二十
利
入庠 國初草寇擾掠居民從官軍討賊潰生殿
後射賊簪纓賊逃去軍得免後賊犯其宅兄弟妻
女皆被殺當時有偉士之稱知縣劉贈以文事武
備匾額

節烈

明

溫 氏縣人高資妻年二十七歲夫亡守節三十九年而終有司上其事勅旌其門

侯 氏故贈光祿寺少卿郭維貞之妻貞亡時侯氏年二十七歲誓不再醮紡績爲業奉養翁姑教子良登進士壽至八十有五有司上其事勅旌其門

王 氏縣人薛忠妻家貧勤紡績事翁姑正德辛未流賊作亂入其家執氏將污之氏厲聲罵賊見殺

館陶縣志

卷之十

節烈

三十一

利

時年方一十八歲未旌表

何 氏縣民趙繼明妻年二十六夫亡氏矢志從夫斷飲食三日姑力勸解之孀居六十載壽八十有六有司上其事勅旌其門

王 氏庠生汪承明妻年二十六歲明以疾卒撫一子克盡婦道子二十歲亡撫一孫女苦孀四十餘載壽六十六歲

劉 氏邑民汪文舉妻年二十歲舉被兵掠去一子尙在襁褓身亡姑失明氏耕紡奉養子已弱冠氏

苦貞如一日撫院給扁旌表

丁氏庠生耿爾棕妻聊城人殉節御史志方七世孫女爾棕力學感疾蚤卒家僅中人之產氏事家翁盡禮以孝稱教兩孤兒道成道見游鄉校撫諸姪子女及兩孫孫女具有室家苦節四十年未旌表

汪躍鰲女年十六歲居棗科里避兵東楊家莊兵至驅女上馬女給曰前高阜可乘知阜傍有古井投之而殉未旌表

館陶縣志

卷之十

節烈

三十一

利

文氏卽從葉妻生子建鼎甫周歲葉卒氏年方十八矢志靡他家甚貧躬紡績以奉舅姑治饗殮日省勺米積至斗升貫書以課其子長補邑庠冰操遐齡終始如一未經旌表

岳氏邑庠王英嗣妻冠氏進士岳粹孫女英嗣博文學每試冠軍督文衡者有山左才子之譽戊午秋闈大爲本房稱賞以犯忌諱置副車抑鬱不得志卒岳氏一痛幾絕曰寧不能地下相從耶奈垂老之孀姑襁褓之幼子將爲其難者飲冰茹苦

者六十年如一日手書教子玉以歲薦成名九十餘無疾而終

節操不渝比諸松筠以身殉名丈夫所難矧巾幗乎二者載在

國典其已經旌表者具錄或寒門弱族無力上聞或雅志不求名未蒙顯褒敬採數人以風勵頹俗其得之傳聞無可詳徵者不敢濫列蓋兢兢也至閩閩幽德恐有徵輯不備後之君子尙嗣表而著之續節孝

館陶縣志

卷之十 節烈

二十三

利

軒氏武烈妻烈氏年二十三歲家貧甚願上有老姑在堂氏以婦兼子拮据紡績以供餽粥遺子效先方二週氏以母代父和丸教讀補邑博士弟子員食餼知縣錢瓚以松筠一致題其門

曹氏侯一位妻位氏年三十歲苦節自矢撫子良屏補邑廩生無何良屏歿遺妻年二十八歲撫遺子三人長尊王次崇王三欽王俱入庠欽王旋氏妻文氏年十九歲撫崇王子爲巳子三世寡孀俱以節聞

王氏倪兆麟妻于歸甫二年夫亾氏十九歲苦節自
其歷四十餘年撫孤子倪山克及成立上事孀姑
備極孝道皓首完貞康熙四十九年建坊旌表
李氏宋士傑妻二十五歲而寡矢志終身康熙三十
二年縣令給匾旌獎

卜氏生員汪茂梅妻梅死氏年二十三歲以弟子承
嗣撫猶已出奉老姑時勤問視姑病日侍湯藥雍
正六年建坊旌表

鮑氏孫景奭妻于歸六載夫亾矢志守節時僅二十
館陶縣志

卷之十

續節孝

二十四

利

三歲上事舅姑下撫遺孤歷數十年如一日

裴氏卜緯孔妻自幼定盟後氏父見緯孔貧甚托原
媒退婚氏聞之日夜痛哭幾死父懼寢其事及適
緯孔其貧苦孝事公姑守節卒

安氏王琬妻事舅姑克盡婦道年未三十而夫亾矢
志守節晝則教子夜則紡績時以繼書香勉其子
三十年如一日子皆成立噪名庠序闔邑紳士咸
稱節孝所感

梁氏州同汪炳琪妻撫孤守節堅如金石屢遭外侮

一身擔當謀猷調度男子中所罕見不愧女中文夫

田氏縣民田虎女父早亾母子相依紡績爲生幼時父許字同邑范現遇年凶母從舅氏謀欲女改字強志不從夜自經死知縣楊一正建祠表之

李氏縣人國士魁妻因顏有志調姦不從羞忿投河身死雍正十二年題明建坊旌表

孫氏州同李洽妻少年守節無子繼猶子爲之娶妻援例凡百所爲無不悉心圖維待之不啻已出

館陶縣志

卷之十

續節孝

三五

利

常氏鄭其身妻也世居鄭家厰年二十二夫亾氏誓柏舟之死靡他家寒甚翁姑年近八旬一饘一粥咸取足十指朝夕罔缺子一名中華遺腹也甫弁氏熊丸以教倍嘗辛苦後行成名立爲國學冠孫亦名著芹藻知縣楊公匾以旌其節曰貞孝德昭潘氏邑北鄭氏婦也夫名其德幼歸以孝聞德亾子甫八歲氏教以義方姑亾翁八旬有奇氏織紡以供無間寒暑翁嘗語人曰吾中年喪子老年喪妻不幸矣賴有孝媳婦道以代子道猶不幸中幸也

氏享年七十有八

趙氏汪汝沆妻沆偕妻隨外父沆州任汝沆亾氏年二十子未一歲矢志柏舟扶夫櫬歸里事繼姑王氏極得歡心教孤子鼎鼐早遊泮宮

滿氏蘇富妻因翁守金病篤思食肉氏因無貲割己左股烹而獻之翁病痊方知聞於官知縣謝士柱

詳明

督撫

給有匾額

牛氏龐祿妻夫卒氏年甫十八柏舟自誓持家嚴肅飲冰茹檠五十餘年里黨稱爲巾幗大夫

館陶縣志

卷之十

續節孝

三

利

孫氏龐爵妻年二十爵以疾卒撫週歲孤女與孀妣牛氏勁節同矢黹炊事姑始終如一冰操至老知縣趙給匾旌之曰松柏競翠